


2002-10-22
kioskoa**Iban Arregi**

«Derrigorrezko nazionalismoa», besteena

Milaka lagun bildu ziren larunbatean Donostian, «derrigorrezko nazionalismoaren» kontra. Azter ditzagun, *puztutako* parte-hartzaile kopuruari buruzko astakeriak alde batera utzita, zenbait egunkarik manifestazioaren mezuez eta helbueruez esandakoak. Hasteko, atzo **El Mundo**-k idatzitakoa, zergatik eta Odon Elorzak manifestazioaren bukerako ekitaldian «bakarrik» parte hartu omen zuelako: «Beste behin, ez du mailarik eman. PSOEk beste hautagai bat bilatu beharko luke Donostiarako». **Abc** egunkariak igandeko editorialean manifestazioa aitzakiatzat hartuta idatzitakoa: «[PPk eta PSOEkin sinatutako] Askatasunen Aldeko eta Terrorismoaren Kontrako Ituna ez zen diseinu hutseko estrategia izan, Konstituzioaren balioak babesteko kooperazio etikoa baizik». «Beharrezkoa da beste Estatu ekimen batzuk abian jartzea, legea eskuan dela, eta egungo diseinu autonomikoa fitsik aldatu gabe». «Bada garaia Estatua-ren ekintzaren bidez nazionalismoa kezkarazteko, bere ekintzak izan ditzakeen ondorioengatik». **El Correo** eta **El Diario Vasco** egunkariak igandean argitaratutako editorialean idatzitakoak: «Euskadiren etorkizuna ezin da diseinatu alde bakar batetik, ezta alde horrek gehiengo politikoa izanda ere». «Konstituzioaren eta Estatutuaren esparrua gainditu nahi izatea zilegi da, baina betiere asmo hori esparru horretako joko arauetara lotuta bada». «Mehatxuak eta debekuak, bata bestearen atzetik. Baina besteena da, abertzaleena nola ez, «derrigorrezko nazionalismoa».

Mehatxuak eta debekuak, bata bestearen atzetik. Baina besteena da, abertzaleena nola ez, «derrigorrezko nazionalismoa».

Egunkaria 3.687. zenbakia

Ohorezko Lehendakaria: Martin Ugalde**Administratzaile Kontseiluko Lehendakaria:** Joan Mari Torrealdai**Kontseilari Ordezkarria:** Iñaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Igor Sota**Egoitza Nagusia:** Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com**Batzorde Parekidea:** 72564 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA**ORDEZKARITZAK** ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Irabie Monasterioa, 45-13. esk. (Irrintzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35,
64100 Baiona Tel.: 559593575 Faxa: 559257511**martintxo****hizpideak****Koalizio independentista garaile**

Montenegroko presidente Milo Djukanovicek zuzentzen duen koalizio independentistak Jugoslaviaren barruko herrialde horretako Legebiltzarrerako

bozak irabazi zituen igandean. Montenegro Europar Baterako Zerrenda Demokratikoak gehiengo absolutua lortu du hauteskundeetan. Ganberako 75 diputatuetatik 39 bereganatu ditu Djukanovicen taldeak, botoen %47,7rekin. Herrialdeak Jugoslaviaren egituren baitan segitzearen alde daudenei 30 diputatu izango dituzte eta botoen %37,8 bildu dituzte, Aldaketaren Alde Elkarrekin alderdi koalizioarekin.

Garaipenaren berri izan ondoren Podgorican «gobernu iraunkorra» osatuko duela agindu zuen Djukanovicek.

Jugoslavia ohiaren garaitik Montenegro eta Serbia dira oraindik elkarrekin segitzen duten herri bakarrak. Belgrad eta Podgoricaren artean, baturik segitzeko hiru urteko akordioa indarrean dago. Ituna errespetatu arren, independentziari muzin egingo ez diola adierazi du Djukanovicek.



• Milaka euskaltzale bildu ziren igandean Tuteran.

Montenegroko presidente Milo Djukanovic, jarraitzaileekin.

**Ikastolak legeztatu beharra**

Igandean 130.000 euskaltzalek egin zuten bat ikastolen aldeko Nafarroa Oinez jaiarekin. Beste behin nabarmena izan zen Nafarroako Gobernuaren hutsunea; ez zuen ordezkari-tzarik bidali. Nuria Iturriagagoitia Gobernu eledunak argudiatu zuen atzo ezin direla joan «ikastola alega» batera. Nafarroako Gobernuak hobe luke gisa horretako aitzakiak alde batera utzi eta Nafarroako herritar gehienek legez kanpo dauden ikastolak legeztatzeke eginiko eskaerari erantzutea.

Ustiapen handien mesederako

Gonzalo Saez de Samaniego EAEko Arrantza eta Nekazaritza sailburuak atzo adierazi zuen Nekazaritza Politika Bateratuaren erreformarekin laguntza zuzenak %15 murriztuko direla. Samaniegok atzo Legebiltzarrean eginiko agerraldian garbi adierazi zuen noren mesederako izango den: ustiapenen %20k diruaren %75 jasoko dute eta, gainera, «merkatuan lehiatzeko laguntza gutxien behar ditzutenak dira», handienak alegia. Euskal Herrian hain ohikoak diren ustiapen familiarren kaltean, beraz.

Reala berriro lider, 21 urteren ondoren

Bigarren Liga irabazi zuenetik, 1981-1982 denboraldiko azken jardunalditik, ez zen Reala Espainiako Ligako liderra bakarrean. 1986-1987 lider izan zen lehen jardunaldian, baina beste talde batzuekin batera. Garbi dago Realak atzean utzi dituela aurreko hiru denboraldietako estatusak eta ezina eta realzaleek konfiantza eta ilusioa berreskuratu dutela, baina sei jardunaldi baino ez dituzte jokatu eta Realaren lidergoa oraingoz bitxikeria hutsa da. Denborak esango du hori baino zerbait gehiago den.